

- SENAT -

Broj: 01-4-2/25

Sarajevo, 23. 04. 2025. godine

Z A P I S N I K

SA 2. TEMATSKE SJEDNICE SENATA

UNIVERZITETA U SARAJEVU ODRŽANE 23. 04. 2025. GODINE

Prisutni/e članovi/ice Senata: prof. dr. Tarik Zaimović, rektor, prof. dr. Benina Veleđar, prof. dr. Naris Pojskić, naučni savjetnik, prof. dr. Dušanka Bošković, prof. mr. Arma Tanović Branković, prof. dr. Dženana Husremović, prof. dr. Kemal Durić, prorektori/ice, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Jasmin Velagić ¹, prof. dr. Lejla Demirović (po ovlaštenju), prof. dr. Nedim Begović (po ovlaštenju), prof. dr. Jasmin Ahić, prof. dr. Elvis Fejzić (po ovlaštenju), prof. dr. Munir Talović (po ovlaštenju), prof. dr. Amel Kosovac, prof. dr. Arzija Pašalić, prof. dr. Elma Veljović (po ovlaštenju), prof. dr. Adnan Busuladžić, prof. dr. Samir Dolarević, prof. dr. Haris Lulić, prof. dr. Nermina Babić (po ovlaštenju), prof. mr. Ališer Sijerić, prof. dr. Daniel Maleč ², prof. dr. Vedad Falan (po ovlaštenju), prof. dr. Zinka Grbo, prof. dr. Nusret Drešković, prof. dr. Selma Tosum Pošković (po ovlaštenju), prof. dr. Besim Balić, prof. dr. Muhamed Smajlović, prof. dr. Adaleta Durmić-Pašić, naučna savjetnica, dr. sc. Aladin Husić, dr. sc. Muamer Džananović, dr. sc. Erma Ramić-Kunić (po ovlaštenju), prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Imran Pašalić, predsjednik, Muedib Šahinović, Anis Sulejmanović, Admed Parić i Emir Hadžialjević .

Odsutni/e: student-prorektor, prof. dr. Mario Bernadić, dr. sc. Sedad Bešlija, Ali Jusović i Ema Huseinčehajić, predstavnik Udruženja Studentski parlament Univerziteta u Sarajevu i predstavnik studenata iz Vijeća Grupacije medicinskih nauka.

Sjednici prisustvuju: Kenan Filipović, generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove, Ilhana Lekić, viša stručna saradnica u Službi za pravne poslove u svojstvu zapisničarke, Aldina Mujanović, pripravnik u Službi za pravne poslove.

Sjednica je počela u 13:00 sati.

Sjednicom je predsjedavao prof. dr. Tarik Zaimović, rektor Univerziteta u Sarajevu.

¹ Naknadno pristupio sjednici u 13:30 sati

² Naknadno pristupio sjednici u 13:30 sati

Utvrđeno je da od ukupno 46 članova/ica Senata, sjednici prisustvuje 41 članova/ica Senata³ sa pravom glasa, od toga devet (9) članova/ica sa ovlaštenjem koje se nalazi u dokumentaciji Senata.

Nakon što je predsjedavajući konstatirao da postoji kvorum za održavanje sjednice, pozvao je članove i članice Senata da se izjasne o predloženom Dnevnom redu.

Prof. dr. Kemal Durić, prorektor za međunarodnu saradnju je predložio da se Dnevni red dopuni sa novom tačkom 6 - *Poziv Ministarstva civilnih poslova za dostavljanje prijedloga za imenovanje dva člana u Vijeću za nauku BiH, ispred Univerziteta u Sarajevu.*

Nakon što su članovi i članice Senata prihvatili predloženu dopunu, jednoglasno je usvojen *sljedeći*

D N E V N I R E D:

1. Budžet Univerziteta u Sarajevu za 2025. godinu
2. Plan nabavki Univerziteta u Sarajevu za 2025. godinu
3. Prijedlozi prioriteta za izradu Dokumenta okvirnog budžeta Kantona Sarajevo (DOB) za period 2026 - 2028. godina za članice Univerziteta u Sarajevu
4. Utvrđivanje Nacrta Pravilnika o disciplinskoj odgovornosti radnika Univerziteta u Sarajevu i upućivanje članicama Univerziteta u Sarajevu u javnu raspravu
5. Prijedlog Odluke o dopunama Smjernica za kreiranje programa razvoja istraživačke infrastrukture i opremljenosti Univerziteta u Sarajevu u okviru Otvorene istraživačke mreže (Open Research Network)
6. Poziv Ministarstva civilnih poslova za dostavljanje prijedloga za imenovanje dva člana u Vijeću za nauku BiH ispred Univerziteta u Sarajevu

T O K S J E D N I C E:

Ad-1.

Budžet Univerziteta u Sarajevu za 2025. godinu:

Prof. dr. Benina Veleđar upoznala je članove i članice Senata sa Mišljenjem Odbora za finansije Univerziteta u Sarajevu na dostavljeni Finansijski plan/budžet Univerziteta u Sarajevu za 2025.

³ Dva člana Senata su naknadno pristupili sjednici

godinu. Povodom Finansijskog plana/budžeta Univerziteta u Sarajevu za 2025. godinu, prof. dr. Tarik Zaimović je istakao da je u narednom periodu planirano održavanje sastanaka sa Premijerom, Ministrom finansija, kao i Ministricom za nauku, visoko obrazovanje i mlade Kantona Sarajevo.

Nakon uvodnih izlaganja, jednoglasno je donesen slijedeći Zaključak:

- *Verificira se* Finansijski plan/Budžet Univerziteta u Sarajevu za 2025. godinu, koji je usvojen od strane Skupštine Kantona Sarajevo u okviru Budžeta Kantona Sarajevo za 2025. godinu („Službene novine Kantona Sarajevo“, broj: 13/25) i dostavlja se Upravnom odboru Univerziteta u Sarajevu u dalju proceduru.

Ad-2.

Plan nabavki Univerziteta u Sarajevu za 2025. godinu:

Prof. dr. Benina Veledar je izvijestila članove i članice Senata da je Odbor za finansije Univerziteta u Sarajevu dao Mišljenje na Plan nabavki Univerziteta u Sarajevu za 2025. godinu, kojim je konstatirano da je navedeni Plan usklađen sa članom 17. Zakona o javnim nabavkama („Službene novine Bosne i Hercegovine“, broj: 39/14, 59/22 i 50/24) i Finansijskim planom Univerziteta u Sarajevu. Također je istakla da je Skupština Kantona Sarajevo usvojila Budžet Kantona Sarajevo za 2025. godinu, te se s tim u vezi predlaže utvrđivanje prijedloga Plana nabavki Univerziteta u Sarajevu za 2025. godinu u predloženoj formi.

U daljem toku sjednice, učešće u diskusiji uzeli su: prof. dr. Tarik Zaimović, prof. dr. Benina Veledar, prof. dr. Nusret Drešković.

Po okončanju diskusije, jednoglasno je donesena slijedeća Odluka:

- *Utvrđuje se* prijedlog Plana nabavki Univerziteta u Sarajevu za 2025. godinu i dostavlja se Upravnom odboru Univerziteta u Sarajevu na usvajanje.

Ad-3.

Prijedlozi prioriteta za izradu Dokumenta okvirnog budžeta Kantona Sarajevo (DOB) za period 2026 - 2028. godina za članice Univerziteta u Sarajevu:

U sklopu ove tačke Dnevnog reda otvorena je diskusija u kojoj su učešće uzeli: prof. dr. Tarik Zaimović, prof. dr. Arzija Pašalić, prof. dr. Benina Veledar.

Prof. dr. Benina Veledar je istakla da je Odbor za finansije Univerziteta u Sarajevu dao pozitivno Mišljenje na dostavljene prijedloge prioriteta za izradu Dokumenta okvirnog budžeta Kantona Sarajevo za period 2026 - 2028. godina.

Prof. dr. Arzija Pašalić je konstatirala da u Dokumentu okvirnog budžeta postoje određene nekonzistentnosti vezane za koeficijente nastavnog osoblja, kao i razlike u dodacima na platu. Prof. dr. Tarik Zaimović je istakao da će još jednom izvršiti uvid u predloženi Dokument i da smatra da takvih nekonzistentnosti ne bi trebalo biti.

Po okončanju diskusije, jednoglasno je donesena slijedeća Odluka:

- *Utvrđuje se* Prijedlog prioriteta za izradu Dokumenta okvirnog budžeta Kantona Sarajevo (DOB) za period 2026 - 2028. godina za članice Univerziteta u Sarajevu u skladu sa Zakonom o budžetima u Federaciji Bosne i Hercegovine ("Službene novine FBiH", broj: 102/13, 9/14 – ispr., 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25) i upućuje se Upravnom odboru Univerziteta u Sarajevu na dalje postupanje

Ad-4.

Utvrđivanje Nacrta Pravilnika o disciplinskoj odgovornosti radnika Univerziteta u Sarajevu i upućivanje članicama Univerziteta u Sarajevu u javnu raspravu:

Izvjestilac za ovu tačku Dnevnog reda je bio generalni sekretar gospodin Kenan Filipović, koji je istakao da su na Nacrtu Pravilnika o disciplinskoj odgovornosti radnika Univerziteta u Sarajevu izvršene značajnije intervencije, u skladu sa Zaključkom Upravnog odbora Univerziteta u Sarajevu. Također je istakao da je nakon izvršenih izmjena i dopuna materijal dostavljen na ponovno razmatranje Senatu. Uvažavajući navedeno, gospodin Kenan Filipović je predložio da se dostavljeni tekst Pravilnika uputi u formi Nacrta članicama u javnu raspravu. Zatim je otvorena diskusija u kojoj su učestvovali: prof. dr. Haris Lulić, prof. dr. Tarik Zaimović, prof. dr. Jasmin Velagić i gospodin Imran Pašalić.

Prof. dr. Jasmin Velagić je izrazio nezadovoljstvo zbog onemogućavanja potpisivanja sporazuma sa punomoćnicima, te je napomenuo da se drugim članicama Univerziteta odobrava angažman advokata.

Zatim je prof. dr. Jasmin Velagić napustio sjednicu.⁴

Prof. dr. Tarik Zaimović je konstatirao da je svojim neprihvatljivim ponašanjem prof. dr. Jasmin Velagić prekršio odredbe Poslovnika o radu Senata Univerziteta u Sarajevu.

Prof. dr. Tarik Zaimović je u nastavku, vezujući se na izjavu prof. Velagića, pojasnio da članice Univerziteta mogu samostalno izabrati punomoćnike.

Članovi i članice Senata su jednoglasno donijeli slijedeći Zaključak:

- *Utvrđuje se* Nacrt Pravilnika o disciplinskoj odgovornosti radnika Univerziteta u Sarajevu i upućuje se članicama Univerziteta u Sarajevu u javnu raspravu koja će trajati 15 (petnaest) dana od dana dostavljanja ovog Zaključka.

Zadužuje se Služba za pravne poslove Univerziteta u Sarajevu da u skladu sa primjedbama i prijedlozima iznesenim u javnoj raspravi i dostavljenih Univerzitetu u Sarajevu, putem vijeća članica Univerziteta u Sarajevu, sačini tekst Pravilnika iz prethodnog stava ovog Zaključka.

Nakon okončanja aktivnosti, tekst Pravilnika o disciplinskoj odgovornosti radnika Univerziteta u Sarajevu upućuje se, uz prethodno mišljenje Odbora za normativna pitanja, Senatu Univerziteta u Sarajevu na razmatranje i odlučivanje.

⁴ Prof. dr. Jasmin Velagić je napustio sjednicu u 13:35 sati

Ad-5.

Prijedlog Odluke o dopunama Smjernica za kreiranje programa razvoja istraživačke infrastrukture i opremljenosti Univerziteta u Sarajevu u okviru Otvorene istraživačke mreže (Open Research Network):

Nakon uvodnog izlaganja prorektora za naučnoistraživački rad, prof. dr. Naris Pojskić, naučnog savjetnika, **članovi i članice Senata su jednoglasno donijeli slijedeću Odluku:**

- U Smjernicama za kreiranje programa razvoja istraživačke infrastrukture i opremljenosti Univerziteta u Sarajevu u okviru Otvorene istraživačke mreže (*Open Research Network*), broj: 01-9-140/24 od 29. 05. 2024. godine (dalje u tekstu: Osnovne Smjernice), u odjeljku 2.1. Definicija istraživačke infrastrukture, na kraju paragrafa dodaje se nova rečenica, koja glasi: „*Vrsta istraživačke infrastrukture koja se obuhvata ovim Programom odražavat će specifičnosti svake grupacije, te se u skladu sa tim uvažavaju različite potrebe članice i grupacija.*“

U odjeljku 3. Postupak predlaganja projekata, iza rečenice, koja glasi:

„Na osnovu navedenih kriterija, kreira se obrazac za evaluaciju putem kojeg će se vršiti rangiranje pristiglih zahtjeva.“, dodaje se nova rečenica, koja glasi: „*Članica samostalno ili kao konzorcij može predložiti samo jedan projekat za finansiranje. U slučaju prijave više projekata, niti jedan projekat predložen od te članice neće biti razmatran.*“

Ad-6.

Poziv Ministarstva civilnih poslova za dostavljanje prijedloga za imenovanje dva člana u Vijeću za nauku BiH ispred Univerziteta u Sarajevu:

Prorektor za međunarodnu saradnju prof. dr. Kemal Durić je informirao članove i članice Senata o pozivu Ministarstva civilnih poslova za dostavljanje prijedloga za imenovanje dva člana ispred Univerziteta u Sarajevu u Vijeću za nauku Bosne i Hercegovine.

Zatim je otvorena diskusija u kojoj su učešće uzeli: prof. dr. Tarik. Zaimović, prof. dr. Naris Pojskić, prof. dr. Kemal Durić, prof. dr. Zinka Grbo.

Nakon kraće diskusije, članovi i članice Senata su jednoglasno donijeli slijedeću Odluku:

- Za članove Vijeća za nauku Bosne i Hercegovine ispred Univerziteta u Sarajevu predlažu se prof. dr. Tarik Zaimović, rektor Univerziteta u Sarajevu i prof. dr. Zinka Grbo, dekanica Univerziteta u Sarajevu Pravnog fakulteta, članica Senata Univerziteta u Sarajevu.

Sjednica je završena u 14:00 sati.

R E K T O R

Prof. dr. Tarik Zaimović, s.r.

Zapisničarke:

Ilhana Lekić, viša stručna saradnica, s.r.

Aldina Mujanović, pripravnica – stručna saradnica, s.r.